

中衛各景考

并序

宇宙山川之著名皆經風雅文人之品題有以闡發其秀
靈之槩而光大之如柳永傑在遠隔得子厚鈞錕潭馬退
山茅亭諸記及南朝詩遂令讀者神馳此其大較也中邑
在古朔方銀夏屬境為邊陲要路幅幘式廓山川雄秀如
牛首羚羊黑山香巖皆足以分賀蘭之勝而星河中貫三
折東流決渠引灌良田萬頃久涵濡於

盛朝百年之休養生息既庶既富敷教興文蓋在昔沙漠戎
馬之區今已駸駸乎科第文物矣獨邑志久闕文獻無徵

中衛縣志

卷八 古蹟 各景考

其附入朔方志者舊有十景以今考之若羚羊夕照紅崖
秋風槽湖春波之類既有變遷陵谷之莫可考據而無名
十詩亦未足以盡表章而發明之且志成於前明萬歷間
其青銅牛首勝蹟皆未入中邑輿圖是宜因時增減亟為
闡揚庶不至山川風物闕而不章鬱而不發此有司之責
也庚辰夏 大方伯巡視廣武橫城河防往來中衛詢訪
邑志因命錫以纂修維時方軍需告竣年穀順成簿書有
暇遂為檢察舊籍其他城堡疆域邊防水利田賦人物土
產尚有殘編故牘可以搜攷而詞翰文學寥寥殊為遺邑

減色大抵古文詩歌此地舊無講習是亦風氣之有待而
開也因不揣荒陋於四載心到身到之所得特更標為十
二景凡有增改畧為疏記以資考覽贊之海內 鴻詞大
人博雅君子知我

國家於宋以前之幾淪荒服者今已有塞北江南之風其中
之山水秀靈景物羅列亦足以抒翰藻於潘陸發光芒於
李杜無論詩賦詞序不吝 金玉之音頌程式於邊方振
人文於後覺垂芳奕葉俾山川草木咸被其光則邊邑幸
甚時乾隆庚辰仲秋上浣滇中黃恩錫素菴氏謹題

中衛縣志

卷八 古蹟 各景考

二

青銅禹蹟

按青銅峽在廣武之東北河自蘭靖黃沙漩下冰溝峽
入中邑境凡三折而東至青銅古峽支流匯合兩山緊
束幾如龍門之狀第水勢稍平耳對岸山石崿岬與河
流映照時作青紅色疑返照之翻赤壁此殆青銅之所
由名與入峽北岸有 禹王廟因石穴為殿宇詢據土
人述所傳聞云中邑古為澤國禹導河至積石經此以
神斧鑿削石壁河乃暢流因祀於此錫舟行數過復潔
志搜探碑碣肅瞻 禹廟崖閣參差像在石洞中幽邃
而明透令人徘徊者久之因撮記其事并入志乘以俟
博雅之備考云耳

河津鴈字

按舊志載鳴沙過雁錫於賓鴻按陣之秋時至故城斷
垣廢塔塌岸荒難求其所謂踐沙之鳴既不復得即聞
聲顧影徒為遺墟興感而亂流古渡嘹唳晴空曙縱橫
迴翔之致轉增煙雲飛舞之思矣

之巖登覽

按香山之巖峯巒魏澤凌雲棟漢頂舊建佛寺每登臨遠眺羣山皆俯南通靈固北盡沙漠城堡星羅河流如帶殊足以拓心胸而資流覽矣

星渠柳翠

七星渠自馮城環洞以下觀察鈕公於雍正十二年請項叔修紅柳溝環洞飛槽渠始下澆白馬通灘沿岸植青陽垂柳春夏之交渠流新漲千株掛綠翠色涵波足供人遊賞不置云

羚羊松風

舊志載羚羊夕照一景查羚羊寺在永康堡東南去岡下錫往來香山數止其地詢附近耆老云古寺毀於前明萬歷間今寺則重建於雍正元年寺碑剝落字跡缺畧無可考據而常樂永康宣和三渠皆有羚羊角羚羊

中衛縣志

卷八 古蹟 各景考

三

殿羚羊夾之名志詩亦云羚羊山勢壯邈州是山以羚羊得名而寺與渠亦因山而得名也第志詩所謂夕陽流翠携酒登樓者杳不知其所在豈山川顯晦各有其時耶錫懋息寺中時其前梨楊棗杏園林相望寺堦下有松一為中邑所僅見者頃之響傳林木與寺松聲相和殊動人蕭然出塵之想因不揣附記所見并更目為羚羊松風以待大雅君子之攷咏焉

官橋新水

舊志載石渠流水殆指美利渠自石壩入口故也渠流至近城三里許為官渠橋戊寅立夏新建河渠龍神廟成橋兩岸建二坊一曰銀川門戶一曰玉塞津梁亦仿夏城立迎水之祭歲以為常廟東廂向渠為觀水堂檣窻洞啟凭欄觀水活流新漲頓洗塵襟令人目興神怡邑之士民咸賽神遊賞稱勝會云

牛首慈雲

在廣武河東東瞰靈州西枕大河冬雪不盡欲
流上有古刹山頂時見祥雲縹石膚寸出地積空瞻望
崖閣參差或隱或現於雲空閣山麓有地湧塔每歲西
僧蒙古皆來朝殆佛地也舊志因廣武隸於朔方未列
中邑各景今增入之舊志有蕭如薰登牛首山詩云理
掉還登岸攀蘿入紫烟雲霄千障出色界一燈懸石蘇
碑磨滅金光像儼然不須探絕勝即此吳諸天

黃河泛舟

舊志載黃河曉渡錫於河曉度屢矣不獨春秋風雨即
詰朝喚渡濁流拍岸景殊無取故不若扁舟載酒夾岸
隄柳村花映帶洪流觸目者鳧汀鷗飛鳴蘆浦每於濁
浪土崖間見蓑笠漁人葦篷小艇舉網得魚於時買鮮
浮白嘯咏滄洲令人流連忘歸矣

石空燈火

中衛縣志

卷八

古蹟

各景考

四

寺在石空堡西北十里許山半樓臺殿閣遙望在畫圖
間至夜佛燈僧燭炳若列星乃中邑古名刹也錫遠道
登探寺在山半為兩院其東院山門內重樓倚山樓下
啟洞門而入中空若還屋考寺碑相傳自昔山鳴三日
突啟洞天現三丈六身土石相淨結宛然肖佛像居人
因鑿削成之祈禱多應由來不記何代矣西院梯土階
而上有真武閣亦因山窟而室轉西則新建佛殿巍然
內外各六楹其前因山築臺憑欄遠眺河流環抱村堡
錯落心境為之一豁其旁僧住小房亦雅潔可坐談邊
邑之佳境也

暖泉春漲

舊志無名氏詩云一脈遠通星宿海春回塞上氣初融
青青石眼涓涓流出桃花洞口東

黑山晴雪

舊志無名氏詩云翠壁丹崖指顧間隨時風物自闌珊
六花凝素寒侵眼徙倚危樓看玉山

炭山夜照

在邑之西南近河山產石炭城堡發舊家朝學慕炒障
日籠霧至冬春則數里外不見城郭所燒炭皆取給於
此山近西一帶有火歷年不息未知燃自何時第見日
吐霏烟至夜則光焰炳然燒雲絢霞照水燭空俗呼為
火窟山其燃處氣蒸凝結土人取以熬礬較勝他產亦一
奇也

中衛縣志

卷八

古蹟

各景考

五

祥異附

唐貞觀二十三年四月靈州境內河清長慶七年靈州奏黃河清從陝至定邊界二百五十里

明萬曆三十六年八月寧夏中衛等處地震

安慶寺碑云嘉靖四十年六月十四日地大震山崩川決城舍皆傾圮安慶寺永壽塔頽其半後慶王重修至康熙四十八年地震塔復崩其半云

崇正十六年十月初三日黃河水一夕驟合香山寇因之渡河劫擾鎮靖柔遠二堡

中衛縣志

卷八

古蹟考
祥異

順治二年廣武堡麥秀兩歧見通志

順治三年夏蝗自東來飛蔽天日不落田間有飛過河南者有飛過邊牆者邊外數十里沙草盡吃而中衛田苗不傷亦異事也

康熙庚寅三月七日申刻黃氣自縣西起亘天忽大風拔木壞民居天晝晦者四日官飭民間寒食以防火

康熙三十四年八月初旬隕霜殺草秋禾俱槁

康熙四十八年九月十二日辰時地大震初大聲自西北來轟轟如雷官舍民房城垣邊牆皆傾覆河南各堡

平地水溢沒髀有魚遊推出大石有合抱者并水激射
高出數尺壓死男婦二千餘口自是連震五十餘日勢
雖稍減然猶日夜十餘次或二三次人率露棲過年餘
始定

乾隆三年十一月二十四日地震香山尤甚窰居者多
死初土人以窰覆知不救閱十餘日有掘窰搜物者洞
開而人猶生問之云探盆中粟嚼之故不死

乾隆十四年二月中田鼠遍地生至夏傷禾稼歷秋冬
彌野皆是其先人家所畜猫犬哺食之後猫與鼠戲不
復捕鄉農每掘一窟鼠多至數十食之則傷人或云鼠
為田蛙所化有鑽穴見鼠尚半蛙形者次年春始滅

乾隆二十二年五月初七日大雨雹傷中衛近城田禾
雹有大至如雞子胡桃者至六月初六日黃氣自西北
起大風晝晦室中點燈其風氣觸人皆鬱熱

道光三年宣和堡民吳興之妻產生三男

道光十年三月二十八日卯時天忽昏黑室內然燈至
午天復明

道光十七年宣和堡麥秀雙歧

軼事附

金牛池

在牛首山相傳有金牛飲於池明慶王嘗見之因

大佛寺銅鉢

寺為元昊建廣武志云昔樵子於寺址掘得

米鉢寺

在香山寺口詢土人云自古傳聞昔有行兵者困

於此已絕粒忽山半有一僧因往就之僧持米一鉢分給征人眾咸飽得免於危異之後求之於此得山

遺有尉遲敬德監工字殆不可考恐出附會之說

噴香獸

在牛首山萬佛閣係明慶靖王鑄銅質光潤毛鬣

勒令贖而存之

地湧塔

在紫金山山麓傳昔昏夜雷雨忽見霞光自地湧

十衛縣志

卷八

古蹟考

軼事

小西天也後遂將大乘經至山譯成漢文建塔焚修焉

善犬塚

廣武生員劉聯芳門首掘土坑積糞時天雨水深

數尺其幼子出戲於坑邊失足陷糞水中其家黎

畜異

乾隆丁卯十二月朔秦園李姓家牛產一犢雙頭四

古錢

縣西南河沿乾隆四年崩出石槽中有藏錢百餘千

潤一圍或云中有錢牌為宋代防河兵所積云同歲香

野菜

康熙四十年間香山旱飢忽山陰溝窪遍生苦菜土

人採食不竭收積有至數石者前次香山未嘗有也

採鉛

康熙五十年中香山飢土人掘草根為食鑽地忽有

鉛苗一層厚尺餘遠近爭掘取之易米以活至收歲

後民食稍濟鉛遂不復得至今唯存舊鉛洞云

飛沙

縣西六七里外舊皆沙磧沙湧若邱陵者已久康熙四十八年間地震後忽大風十餘日沙悉捲空飛去

落河南永宣兩堡近山一帶縣民遂墾復舊壓田百頃

中衛

卷八十五 中衛縣志 卷八十五

